

# სახელმწიფო შესყიდვის შესახებ ხელშეკრულება №360

30 სექტემბერი 2013 წელი

ქალაქი ქუთაისი

ერთის მხრივ, თვითმმართველი ქალაქ ქუთაისის მერია, (შემდგომში „შემსყიდველი“) ქალაქის მერის მოადგილის, მერის მოვალეობის შემსრულებლის თენგიზ თოფურიძის სახით. (მისამართი: 4600, ქუთაისი, შ. რუსთაველის გამზ. №3, ტელ: 24-10-24).

მეორეს მხრივ, შ.კ.ს „უტა“, (შემდგომში „მიმწოდებელი“) მისი დირექტორის თარაშ დაუშვილის სახით, (მისამართი: ქ. თბილისი, ქავთარაძის ქ. №21-38, ტელ: 599 23 88 22), „სახელმწიფო შესყიდვების შესახებ“ საქართველოს კანონმდებლობისა და მიმწოდებლის საკონკურსო წინადადების საფუძველზე, (საკონკურსო განაცხადი №968. 24.09.2013 წ.) დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

## 1. ხელშეკრულებაში გამოყენებულ ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და კონკურსში გამარჯვებულ კონკურსანტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება კონკურსში და ახორციელებს მომსახურებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს;
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი;
- 1.7 „ტექნიკური დოკუმენტაცია“ – მიმწოდებლის მიერ (საკონკურსო განაცხადი №968) საკონკურსო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

## 2. ხელშეკრულების საგანი

- 2.1 ქალაქ ქუთაისში ზოგიერთ ქუჩაზე ღვარსადენი ქსელის მოწესრიგებისა და გზის საფარის მოწყობისათვის საჭირო საპროექტო–სახარჯთაღრიცხვო დოკუმენტაციის შედგენა (13 ობიექტი).
- 2.2 ხელშეკრულებით გათვალისწინებული მომსახურების აღწერა მოცემულია ტექნიკურ დოკუმენტაციაში.

## 3. ხელშეკრულების ღირებულება

- 3.1 შესასრულებელი მომსახურების ჯამური ღირებულება შეადგენს 5600 (ხუთი ათას ექვსასი) ლარს.
- 3.2 ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს, მათ შორის საქართველოს კანონმდებლობით გათვალისწინებულ გადასახადს.

## 4. ხელშეკრულების შესრულების კონტროლი

- 4.1 ხელშეკრულებით გათვალისწინებული პირობების შესრულების კონტროლი განახორციელდება თვითმმართველი ქალაქ ქუთაისის მერიის შესაბამისი უფლებამოსილი სტრუქტურული ერთეულის მიერ.
- 4.2 კონტროლი გულისხმობს „მიმწოდებელი“-ს მიერ ხელშეკრულების პირობების შესრულების, აგრეთვე გაწეული ან გასაწევი მომსახურების ხარისხის შემოწმებას.
- 4.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

## 5. მომსახურების გაწევის პირობები და ვადები

- 5.1 „მიმწოდებელი“ ვალდებულია მომსახურება განახორციელოს ხელშეკრულების დადებიდან 33 (ოცდაცამეტი) კალენდარული დღის განმავლობაში.
- 5.2 „მიმწოდებელი“ ვალდებულია პროექტები დაამზადოს 4 (ოთხი) ეგზემპლარად და წარმოდგენილ საპროექტო–სახარჯთაღრიცხვო დოკუმენტაციას თან უნდა დაურთოს ელექტრონული ვერსია. ამასთან დამატებით უნდა წარმოადგინოს საპროექტო–სახარჯთაღრიცხვო დოკუმენტაცია PDF ფორმატში, რომლის ერთი ფაილის მოცულობა არ უნდა აღემატებოდეს 8 მგბ-ს.

5.3 ხელშეკრულების დამდებარცერთ მხარეს არა აქვს უფლება შეიტანოს მომსახურების პირობებში ცვლილებები მეორე მხარესთან შეთანხმების გარეშე.

## 6. შესყიდვის ობიექტის მიღება-ჩაბარების წესი

6.1 „შემსყიდველი” შესყიდვის ობიექტის მიღებას მოახდენს ხელშეკრულების დადებიდან 2013 წლის 1 ნოემბრის ჩათვლით.

6.2 „მიმწოდებლი“-ს მიერ შესყიდვის ობიექტი მიღებულად ჩაითვლება მხოლოდ გაწეული მომსახურების მიღება-ჩაბარების აქტის ფაქტიური დადასტურების შემდეგ.

6.3 ფაქტიურად შესყიდვის ობიექტის დამტკიცებას თვითმმართველი ქალაქ ქუთაისის მერიის შესაბამისი უფლებამოსილი სტრუქტურული ერთეულის დადასტურების საფუძველზე ახორციელებს თვითმმართველი ქალაქ ქუთაისის მერი.

## 7. ანგარიშსწორება

7.1 ანგარიშსწორება განხორციელდება „მიმწოდებლი“-ს წერილობითი მომართვის საფუძველზე;

7.2 „მიმწოდებლი“-ს წერილობით მომართვას ანგარიშსწორების თაობაზე უნდა დაერთოს:

ა) ფაქტიურად გაწეული მომსახურების დასახელება და ღირებულება,

ბ) მომსახურების გაწევის შესაბამისად ამოწერილი სასაქონლო ზედნადები,

გ) შესრულებული მომსახურების მიღება-ჩაბარების აქტი.

7.3 გაწეული მომსახურების ანგარიშსწორება „მიმწოდებელთან“ განხორციელდება უნაღდო ანგარიშსწორებით, ლარებში.

7.4 ანგარიშსწორება განხორციელდება გაწეული მომსახურების დადასტურებიდან 20 (ოცი) სამუშაო დღის განმავლობაში.

## 8. ხელშეკრულებაში ცვლილებების შეტანა

8.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.2 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველი“ ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## 9. მხარეთა უფლება-მოვალეობები

9.1 „შემსყიდველი“ უფლებამოსილია:

-გასაწევი მომსახურების დასრულებამდე ნებისმიერ დროს მოითხოვოს „მიმწოდებლისგან“ მისთვის საჭირო ინფორმაცია;

9.2 „შემსყიდველი“ ვალდებულია:

- უზრუნველყოს „მიმწოდებლი“-ს მიერ გაწეული მომსახურების ანაზღაურება ხელშეკრულებით გათვალისწინებული ვადების და პირობების დაცვით;

9.3 „მიმწოდებელი“ უფლებამოსილია:

9.3.1 მოსთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

9.4 „მიმწოდებელი“ ვალდებულია:

9.4.1 დროულად და კეთილსინდისიერად შეასრულოს ხელშეკრულებით ნაკისრი ვალდებულებები,

9.4.2 განახორციელოს დამუშავებული ტექნიკური დოკუმენტაციის საავტორო ზედამხედველობა.

## 10. ხელშეკრულების პირობების შეუსრულებლობა

10.1 დაუძლეველი ძალის გარდა „მიმწოდებლი“-ს მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები:

- ხელშეკრულების თვითნებულად შეწყვეტის შემთხვევაში „მიმწოდებელი“ გადაიხდის 1800 (ერთი ათას რვაასი) ლარს.

10.2 ხელშეკრულებით გათვალისწინებული პირობების დაგვიანებით შესრულებისათვის ყოველ ვადაგადაცილებულ დღეზე ხელშეკრულების ჯამური ღირებულების 0.1%-ს.

10.3 იმ შემთხვევაში თუ საჯარიმო სანქციების ჯამური თანხა გადააჭარბებს ხელშეკრულების ღირებულების 3%-ს, „შემსყიდველი“ უფლება აქვს შეწყვიტოს ხელშეკრულება.

10.4 ხელშეკრულების პირობების შეუსრულებლობისათვის „მიმწოდებლი“-ს დაჯარიმების შემთხვევები,

"შემსყიდველი" იტოვებს უფლებას ფაქტიურად გაწეული მომსახურების ასანაზღაურებელი თანხიდან, საჯარიმო სანქციების თანხა პირდაპირ გადარიცხოს არასაგადასახადო ანგარიშსწორების ერთიან ანგარიშზე სახელმწიფო ხაზინაში.

10.5 საჯარიმო სანქციის გადახდა არ ათავისუფლებს „მიმწოდებელს" ძირითადი ვალდებულებების შესრულებისადმი.

### 11. ხელშეკრულების შეწყვეტა

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება დაუყონებლივ უნდა მიეწოდოს მეორე მხარეს.

11.3 ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს" ხელშეკრულების შეუსრულებლობისათვის გათვალისწინებული პასუხისმგებლობისაგან.

### 12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

### 13. გადასახადები და დაბეგვრა

13.1 ადგილობრივი „მიმწოდებელი" პასუხს აგებს საქართველოს კანონმდებლობით დადგენილი გადასახადის, მოსაკრებლების და სხვა გადასახდელების გადახდაზე.

### 14. ხელშეკრულების მოქმედების ვადა

14.1 წინამდებარე ხელშეკრულების ძალაში შედის ხელშეკრულების თავში მითითებული თარიღიდან და მოქმედებს 2013 წლის 1 დეკემბრის ჩათვლით.

14.2 ხელშეკრულება შედგენილია სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. 1 (ერთი) პირი „მიმწოდებელთან" და 2 (ორი) პირი „შემსყიდველთან".

### 15. მხარეთა რეკვიზიტები და ხელმოწერები

#### შემსყიდველი:

ქალაქ ქუთაისის მერია

მის: ქ. ქუთაისი, რუსთაველის გამზ. №3

ს.ს „ვითიბი ბანკი ჯორჯია"

ქუთაისი ფილიალი

ბ/კოდი: 220101605

ა/ა №33033303

ს/კოდი: 212721170

ქალაქ ქუთაისის მერის მოადგილე,

მერის მოვალეობას შემსრულებელი

#### მიმწოდებელი:

შ.პ.ს „უტა“

მის: ქ. თბილისი, ქავთარაძის ქ. №21-38

ს.ს „თიბისი ბანკი“

ქვემო ქართლის რეგიონალური ფილიალი

ბ/კოდი: TBCBGE22

ა/ა GE51TB7264836080100001

ს/კ 404896127

შ.პ.ს „უტა“

დირექტორი



თარაშ დაუშვილი



შ.კ.ც. "უტა"  
თბილისი, საქართველო  
ქვეთა 21-38  
ტელ: 5 99 23 88 22  
Arsakidze@yahoo.com



L.L.C "Uta"  
Tbilisi, Georgia  
Str. Qavtaradze 21-38  
Tel: 5 99 23 88 22  
Asakidze@yahoo.com

### ტექნიკური დოკუმენტაცია

#### დასაპროექტებელი ობიექტების ჩამონათვალი

Nº	ობიექტის დასახელება	ზომები სიგრძე/ სიგანე(მ)	ღირებულება (ლარი)
1	დია ჩიანელის პირველი შესახ. ღვარსადენით - ასფალტის საფარი	246 * 5 მ	430 (ლარი)
2	სინაურის მე-2 ჩიხი - ასფალტის საფარი	119 * 3 მ	430 (ლარი)
3	ნინოშვილის მე-3 ჩიხი ღვარსადენით - ბეტონის საფარი	150 * 4 მ	430 (ლარი)
4	გრიბოედოვის მე-2 შესახ. - ბეტონის საფარი	85 * 3 მ	430 (ლარი)
5	ლომონოსოვის პირველი ჩიხი ღვარსადენით - დაწესებილი ფილები	99 * 5 მ	430 (ლარი)
6	თავისუფლების მე-2 შესახ. - ასფალტის საფარი	287 * 6 მ	430 (ლარი)
7	ზ.ჭავჭავაძის №8-დან №20-მდე ღვარსადენით - ბეტონის საფარი	288 * 8 მ	430 (ლარი)
8	დ.ნიუარაძის პირველი შესახ. ღვარსადენით - ბეტონის საფარი	80 * 7 მ	430 (ლარი)
9	ჩხობაძის მე-3 შესახ. ღვარსადენით - ბეტონის საფარი	604 * 11 მ	440 (ლარი)
10	მუსხელიშვილის ქ. №2-დან №1ა-ს შორის ღვარსადენით - ბეტონის საფარი	270 * 6 მ	430 (ლარი)
11	მუსხელიშვილის ქ. მე-4 შესახ. ღვარსადენით - ბეტონის საფარი	335 * 9 მ	430 (ლარი)
12	ნიკეას ქ. №27-დან - ბეტონის საფარი	160 * 8 მ	430 (ლარი)
13	გურამიშვილის ქუჩის გაგრძელება - დაწესებილი ფილები	109 * 5 მ	430 (ლარი)
	სულ ჯამი		5 600 (ლარი)

შენიშვნა: დასახელებული ობიექტების ზომები დაზუსტებული იქნება ჩვენი ორგანიზაციის მიერ.

საკონკურსო წინადადების ფასში სრულად არის მოცემული კონკურსით გათვალისწინებული საპროექტო-სახარჯთაღრიცხვო დოკუმენტაციის მომზადებასთან დაკავშირებული ყველა ხარჯი, საავტორო ზედამხედველობა და კანონმდებლობით გათვალისწინებული ყველა გადასახადები.

საპროექტო-სახარჯთაღრიცხვო დოკუმენტაცია დამზადებული იქნება საქართველოში მოქმედი სამშენებლო ნორმებითა და სტანდარტებით.

იმ შემთხვევაში, თუ სამუშაოების შესრულების პროცესში აღმოჩნდება საპროექტო სახარჯთაღრიცხვო დოკუმენტაციით გათვალისწინებული დამატებითი სამუშაოების შესრულების აუცილებლობა, ამ დამატებით საპროექტო-სახარჯთაღრიცხვო დოკუმენტაციის შედგენას განვახორციელებ ანაზღაურების გარეშე. პროექტირების პერიოდში საპროექტო დავალებით გაუთვალისწინებელი სამუშაოების დაპროექტების საკითხი ზეპირი სახით შეთანხმდება შემსყიდველთან.

შპს „უტა“-ს დირექტორი:

თარაშ დაუშვილი

